

Aght 12

Çheu-mooie Cashtal Purt ny hInshey

Feeagh: Vel shiu aarloo? Kied peiagh gys Drontheim cosney. 1, 2, 3 Immee!

Filym: Ratçh gys Drontheim

ARRANE: Ratçhal

Harrish cleighyn shaghey ny thieyn seose as sheese y clieau

Trooid ny keyljyn as glionteenyn as t'ad roie dy bieu

Ratçhal! Ratçhal!

Harrish creggyn, trooid yn curragh stiagh syn awin lhean

Skee dy liooar agh shirrey pooar dy hiaulley er y cheayn Ratçhal! Ratçhal!

Ta ny tonnyn lajer

Ta ny baatyn beggey

Jean ad roshtyn Norlann? Ny bee ad baiht myr Kitter?

Harrish cleighyn shaghey ny thieyn seose as sheese y clieau

Trooid ny keljyn as glionteenyn as t'ad roie dy bieu Ratçhal! Ratçhal! Ratçhal!

Coolrey: Drontheim

Emergaid: (*goaill arrane jee hene*) 'Geay jeh'n aer..'

Freya: Vel oo smooïnaghtyn mychione Ree Olaf reesht?

Emergaid: Foddee dy vel! Foddee nagh vel! Kiare dty churrym hene!

Nish shegin dooin feddyn yn ayr aym. Cha nel eh ec y cheirdee dy mennick ny laghyn shoh. Jean siyr!

(*T'ad faagail!*)

Ree Olaf: Ouwatta! Ta mee ayn! Nish, cre'n jeeill ta goll er ec y keirdee?

Loan: Ha ha! T'ou er'n roie çhelleeragh stiagh ayns my ribbag! B'vie lhiat fakin y cliwe noa croit aym?

Emergaid: Jishag Veen, ta fys aym dy vel oo corree, agh smooïnnee orrym!

Loan: Cum dty hengey Emergaid. Shoh cooish son deiney.

T'eh troggal yn cliwe

Loan: Shoh yn cliwe noa aym. Bee eh eer ny smoo pooaral na Macabuïn, agh hoshiaght shegin da'n blod blashtyn fuill Reeoil!

Ta Olaf glackey yn cliwe voish

Ree Olaf: Fuill Reeoil eh? Nagh vel uss yn chiaghtoo mac Ree Norlann? Blass shoh! As shoh!

T'eh marroo Loan as Hiallus

Ree Olaf: Emergaid Arraneagh, gow my leshtal! Leih dou my pheccaghyn! Tar marym gys Mannin as lhig dooin goaill toshiaght bea noa, bea sheeoil, bea lane dy chiaull!

Arrane -Ellan Vannin
Tra ta'n Laa souree ec jerrey,
As imneaghyn lheie ersooyl
Mish ny hoie fo ny rollageyn
Slane my lomarcán as skee
Eisht girree gollrish ashlish
Soilshean gial as dooghyssagh
She oo-hene oh Ellan Vannin
Lesh croink glassey rish y cheayn